

NUKIGA

IMMIKKUULLARISSUMIK EQQUMIITSULIANIK TAKUTITSINEQ

Saqqummersitamut Imaq suliaqarnermi NUKIGA-p eqqumiitsuliortut arlariit saaffigisimavai eqqumiitsuliornerminni Imaq qulequtsiullugu suliaqarsinnaanersut. Eqqumiitsuliortut nammineq assigineqanngitsunik immikkut sanasimapput.

Eqqumiitsuliortut assigiinneqisut Imaq qulequtarinerani saqqummeeriaaseqarlutillu periuseqarsimapput. Eqqumiitsuliortut suleriusaat assigiinneqaat, qiperuinikkut, qalipaanikkut assilialiornikkullu.

Paasissutissat pigaarutillik:

Suna: Eqqumiitsulianik takutitsinermi sammineqarpoq 'Imaq'

Ulloq sumilu: Katuaq 7. sept – 7. okt.
Katuap ammasarfii takuneqarsinnaapput nittartagaani

Akia: Akeqanngilaq

Sammineqartut: Eqqumiitsuliat, qallunaat, Kalaallit, oqaluttuarisaanerlu.

Anguniakkat: 4.-7. klassit

TEMA:
IMAQ

Uani kissaatigivarput takutitsinermi Kalaallit Nunaannut kalaallillu eqqumiitsuliaanik ilisimasaqalernerunissaq, uani anguniarneqarlutik atuarfimmi atuartut 4.-7. klassit ilisimasaqalernissai. Aammattaq ilaqtariittut misissuinermi isumassarsiornermilu atorluarneqarsinnaassallutik.

ILINNIARTITSISUMUT

**AKA HØEGH
SIGNERER SINE
LITOGRAFIER**



Isinnginnermi eqqartorneqarsinnaasut:

- Suut kalaallit eqqumiitsuliaanni nalunngilisigit?
 - Eqqartueqatigiillusi isummanik katersigitsi, ataatsimut imaluunniit gruppitut.
- Eqqumiitsuliortup Aka Høegh pillugu isiginnaagassia isiginnaarsiuk, link-eq ataaniippoq.
 - Eqqumiitsuliortoq Aka pinngortitaq pillugu qanoq eqqartuiva?
- Imaq isiginnaagassiami sammineqarpoq: Suna eqqarsaatigisarpiuk imaq eqqaaneqaraangat?

ILINNIARTITSISUMUT:

NALITSINNI EQQUMIITSULIORIAASEQ

Eqqumiitsulianik takutitsinermi pulaarnerup nalaani:

Eqqumiitsuliamik ataatsimik toqqaagit – kingornalu saqqummiullugu klassissinni:

- Eqqumiitsuliaq toqqaakkat assiliuk
- Sooq taanna eqqumiitsuliaq toqqaarpiuk? Sunartaa nuannaraajuk?
- Eqqumiitsuliaq qanoq isikkoqarpa?
- Qanorlu isikkoqarnera takorloornerani nassuiaruk.
- Qanoq ittumik qalipaateqarpa imaluunniit suut atortut atorineqarpat?
- Imaq sammineqarneranut eqqumiitsuliami qanoq takusinnaaviuk ersersinneqartoq?
- Eqqumiitsuliortuo qanoq oqariartuuteqarnera takuneqarsinnaava?

NUKIGA

ILINNIARTITSISUMUT:

**LITOGRAFI SKABT
TIL UDSILLINGEN
AF AKA HØEGH**



Eqqumiitsulianik takutitsinermi pulaareernerup kingorna:

Atuartut saqqummiissapput eqqumiitsulianik toqqarnikuusaminnik.

Atuartunut apeqqutit:

- Kalaallit eqqumiitsuliaannik saqqummersitsinermi takusasi aallaavigalugit Kalaallit eqqumiitsuliaannik isiginnittariaaseq allanngorpa? Taavalu qanoq allanngorpa?
- Takorloorsinnaavisiuk Kalaallit qallunaallu imaq pillugu isiginnittariaasaat sunartaa allaanerunersoq? Suut assigiinngissutaappat? Suullu allaanerussutigai?

NUKIGA

IMMAP IMMIKKOORTILLUTALU ATAATSIMOORTIPPAATIGUT.

Imaq inuunermik tiguisuullunilu tunisisuuvoq.

Kalaaliulluni imaq pigaaruteqartorujussuuvoq. Tikeraarnerni angalaarnermilu. Nioqqutissanik angallassineq aalisarnerlu ullutsiini suli pigaarnertut inissineqartarput. Inuiaqatigiinnut nunatta iluani nunattalu avataaniik aaliagiisarlutik.

Immap itineraani suli misissorneqanngitsunik peqarpoq. Imarpissuup nunat avissaangatippai kisiannilu ataqatigiissillugit. Politikkikkut taavalu pissaaneqarniunnermi ilaatinneqartarluni.



Imaq tassaavoq uumasoaqatigiit kaaviiaarfiat aserujasooq, inuit inooriaasaannik eqqugaaqqaqisoq. Sermersuaq aakkiartorpoq, imarlu qaffakkiartorpoq. Nunarsuaq tamaat sunnerneqarpoq.

Imaq tupinnartutut nalunartutullu isigineqartarpoq, oqaluttuatoqqanillu assigiinngitsunik aallaaveqartarluni, soorlu Sassumap arnaa nalunnginneqarluartooq. Sinnattunik takorluuinermillu inissaqartitsilluartuulluni.

Imaq piviusunut, sinnattunut, inuussutissanullu ataqatigiissaarisuuvoq. Imaq angalanissamat, piniagassanut nioqqutissanullu periarfissiisuvoq – kisiannilu aamma killilersuisuulluni annilaarnarsinnaallunilu.

NUKIGA

TUNULIAQUT: KALAALLIT EQQUMIITSULIAAT - OQALUTTUARISAANITSINNIK ISIGALUGU

1800-1900-**kkunni:**

Ukiorpassuarni nunani avataaneersuniik Kalaallit Nunaat pillugu eqqumiitsuliat soqutigilluarneqartarsimapput. Taamanikkunni nunasiaataanerup nalaani eqqumiitsuliortut tikittarsimapput misissuiartorlutik, allaat qalipagai suli mannamut takuneqarsinnaallutik. Kalaallit nunaat pillugu eqqumiitsuliortut ilisimaneqarluartut ilai ukuupput: J.E.C Rasmussen (1841-1892), Harald Moltke (1871-1960) aammalu Emanuel A. Petersen (1884-1948).

1900-**kkut** siuliani Kalaallit atortut allaanerit atorlugit eqqumiitsuliortarsimapput ujaqqat, saarnit qissiallu atorlugit qiperuisarsimapput. Arnallu meqquitit ujalussiallu atorlugit assassortarsimallutik.

1800-1900 kingorna kalaallinut eqqumiitsuliornissamut assassornissamullu atortutigut siuariarsimapput, aqerluusat, pappilissat qalipaanerlu atorlualersimallugit. Soorlu Aalut Kangermiu (1822-1869) ilisimalluarneqartoq kalaaliusuni eqqumiitsuliornermi siulliit ilagigaat.



Kunstværk af Aron fra Kangeq: Umiaq med Rejsende - Kajakmand med kajak, halvpels og med bomuldsanorak

NUKIGA

TUNULIAQUT: KALAALLIT EQQUMIITSULIAAT — OQALUTTUARISAANITSINNIK ISIGALUGU

Ullumi:

Ullumikkut kalaallit eqqumiitsulioriasaat siammasissorujussuuvoq – ilai qangatut eqqumiitsulioriaatsit atortarpaat ilai ullutsinnut tulluarsakkanik eqqumiitsuliortarlutik. Amerlanerillu qangarpalaartumik nutaaliillu akulerullugit eqqumiitsuliortarlutik.

Qallunaat nunaanni kalaallit eqqumiitsuliarisartagai pillugit allangortikkuminaatsutut isigineqartarpoq, kisiannili kalaallit eqqumiitsuliortut nunani allanituulli isummorsolutik eqqumiitsuliorsinnaassuseqartuupput.

Eqqumiitsulianik takutitsinermi 'Imaq' pillugu takutikkusupparput, kalaallit eqqumiitsuliai qanoq siammasitsiginersut, assigiinngissusiai, qanorlu suleriaaseqarsimanersut aammattaaq qanoq allaanerussuteqarnersut kinguaariit iluanni suleriaasaat.

Taavalu eqqumiitsuliortoq periarfissikkusullugu qanoq eqqumiitsulioriaaseqarnersoq, nutaaliornersoq tassani takutissinnaagamiuk kalaallit qanoq eqqumiitsulioriaaseqarsinnaanersut. Aaliangersimasumimmi kalaallit eqqumiitsuliaannik soqangilaq.



Ovenstående kunstværk af Naja Abelsen kan opleves på Kunstudstillingen Havet / Imaq

Læs mere og download materialer: <https://www.nukigacommunity.com/kunstudstilling-havet-imaq/>